

Filosofiija doavttirgráda láhkaásahus

Dohkkehuvvon Sámi allaskuvlla dutkan- ja oahppostivrras 12.11.2019 universitehta- ja allaskuvlalága (1.4.2005, Lov om universiteter og høyskoler) § 4-13 vuodul.

VUOSTTAS OASSI: LÁIDESTEADDJI MEARRÁDUSAT

Kapihtal 1. Láhkaásahusa doaibmaviidodat

§ 1-1. Láhkaásahusa doaibmaviidodat

Dát láhkaásahus guoská doavttirgrádoahppui, mii addá filosofiijadoaktára gelbbolašvuoda Sámi allaskuvllas (SA). Láhkaásahusain mearriduvvojit doavttirgrádadási sisaváldin-, čađahan- ja loahpahannjuolggadusat.

Kapihtal 2. Doavttirgrádoahpu viidodat, sisdoallu ja mihttomearit

§ 2-1. Doavttirgrádoahpu viidodat, sisdoallu ja mihttomearit

Doavttirgrádoahppu gealbuda alladásat fágalaš dutkandoaimmaide ja servodaga eará bargguide main gáibiduvvo alla dieđalaš gelbbolašvuolta. Sámi allaskuvlla doavttirgrádoahpus váldojuvvojit vuhtii erenoamážit sámi servodaga ja sámiid dárbbut ja hástalusat unnitlogu- ja eamiálbmogin.

Doavttirgrádoahpu normerejuvvon guhkkodat lea golbma jagi ollesáiggeohppu.

Doavttirgrádoahpu deháleamos oassin lea iehčanas dutkanbargu, mii čađahuvvo aktiivvalaš bagadallama vuolde.

Doavttirgráda addojuvvo dáid vuodul

- dohkkehuvvon dieđalaš nákkosgirji
- dohkkehuvvon oahppooassi
- dohkkehuvvon geahččaladdanlogaldallan addojuvvon fáttás
- dohkkehuvvon almmolaš nákkosgirji bealušteapmi (nákkáhallan)

Kapihtal 3. Ovddasvástádus

§ 3-1. Ovddasvástádus

Sámi allaskuvlla stivrras lea bajimus ovddasvástádus doavttirgrádoahpus, ja stivra addá oppalaš organiserennjuolggadusaid. Dutkan- ja oahppostivra (DOS, mii dán láhkaásahusas mearkkaša 'Dutkan- ja oahppostivra dahje vástideaddji orgána') sáhtá addit lagat njuolggadusaid, mat gusket ovttaskas ohppui fágagoađi evttohusaid vuodul.

Juohke dohkkehuvvon doavttirgrádaprográmmii nammada DOS fágagoađi evttohusa vuodul prográmmastivrra mas leat unnimustá golbma lahtu. Prográmmastivrra lahttun galget leat doavttirgráda čađahan dutkit ja doavttirgrádistudeanttat.

Prográmmastivra fuolaha sisaváldima ja beaivválaš doaimmaid mat leat čadnon doavttirgrádoahpu čađaheapmái dainna fápmudusain, mii addo dán láhkaásahusas, ásahusa siskkáldas njuolggadusain dahje dábálaš bargofápmudusain.

Kapihtal 4. Kvalitehtasihkkarastin

Sámi allaskuvlla filosofii ja doavttirgráda lánkaásahus

§ 4-1. Kvalitehtasihkkarastin

Sámi allaskuvllas lea kvalitehtasihkkarastinvuogádat, mii fáttmasta maiddá doavttirgrádaohpu.

NUBBI OASSI: SISAVÁLDIN

Kapihtal 5. Sisaváldin

§ 5-1. Sisaváldineavttut

Doavttirgrádaprogámmii sisaváldima eaktun lea ahte ohccis lea masteroahppu (120 oahppočuoggá) dahje vástideaddji skuvlejupmi, man ásaš lea dohkkehan sisaváldima vuodđun. Masteroahpu gaskamearálaš árvosašnin berre dábálaččat leat unnimustá B.

Ohcan galgá sisttisoallat dáid osiid:

- Duodaštus dan oahpus mii lea sisaváldima vuodđun
- Doavttirgráda prošeaktačilgehus
- Oahppooasi plána
- Evttohus das gii sáhtá dahje geat sáhttet leat bagadallin
- Čilgehus das čuožžilahtá go prošeakta riektegažaldagaid dahje ehtalaš gažaldagaid ja jus nu, de mo dáid sáhtá gieđahallat

Kandidáhtta ja váldobagadalli galgaba jođánepmosit ja unnimustá golmma mánu sisa sisaváldima maŋŋá guorahallat prošeaktačilgehusa ja árvvoštallat leago dárbu muddet dan.

SA sáhtá geatnegahttit doavttirgrádistudeanttaid leat Sámi allaskuvllas vissis proseantaoasi bargoaiggi.

Dábálaččat galgá oheat doavttirgrádaohppui golmma mánu sisa dan rájes go doavttirgrádii olaheaddji dutkanprošeakta lea álggahuvvon. Jus dutkanprošeavttas váilu ohcanáiggi unnit go ovttá jagi ollesáiggebargu, de sáhtá ohcan hilgojuvvot, gč. § 5-3.

§ 5-2. Infrastruktuvra

Doavttirgrádistudeanta galgá beassat geavahit dárbbášlaš infrastruktuorra dutkanprošeavtta čađaheapmái. Goahtejođiheaddji mearrida mii lea dárbbášlaš infrastruktuorra.

Doavttirgrádistudeanttaide geain lea olggobeale ruhtadeapmi ja/dahje bargosadji, ráhkaduvvo Sámi allaskuvlla ja olggobeale ovttasbargoguoimmi gaskasaš sierra soahpamuš, mii guoská ovttaskas dutkanprošeaktii. Dakkár soahpamuš dahkko oktanaga sisaváldinmearrádusain dahje dalán das maŋŋá.

§ 5-3. Sisaváldinmearráduš

Sisaváldinmearrádusa vuodđun lea ohcama oppalaš árvvoštallan. Jus ohccit leat eambo go maid allaskuvlla sáhtá váldit sisa, de DOS fápmuduvvo addit lagat njuolggadusaid árvvoštallaneavttuin.

Sisaváldinmearrádus galgá nammaduvvot unnimustá okta bagadalli, ja čilgejuvvot mo ohcamuša eará dárbbut mat bohtet ovdan ohcamuša, čovdojuvvot. Šiehtadus galgá bohtit ovdan álginbeaivi, mii lea seamma go ruhtadanálginbeaivi, ja šiehtadusa guhkkodat. Šiehtadusaigodat sáhtá guhkiduvvot bargi vuoigatvuodaid vuodul, dahje dat galgá čielggaduvvot erenoamážit oahpu ruhtadeami oktavuodas.

Sisaváldima sáhtta biehttalit jus

- dahkkivuoigatvuođalaš soahpamušat leat almmuheami dahje nákkáhallama easttan
- immateriála vuoigatvuođalaš soahpamušat mat leat dahkkon, eai leat govtolaččat áhahussii ja dan dihtii áhahus ii sáhte searvat prošehtii
- dutkanprošeavttas lea unnit go jagi bargu barggakeahhtá das maŋŋá go son lea váldojuvvon doavttirgrádaohppui, gč. § 5-1

§ 5-4. Šiehtadusáigodat

Doavttirgrádaohppu lea golmma jagi ollesáiggeohppu. SA sáhtta mearridit guhkidit šiehtadusáigodaga lágalaš virgeluomuid ja geatnegahtton bargguid geažil.

Lágalaš gaskkalduvvama geažil šiehtadusáigodat guhkiduvvo vástideaddji áiggiin. SA sáhtta guhkidit šiehtadusáigodaga vuođuštallon ohcama vuođul. Guhkiduvvon áigodaga várás SA sáhtta áhahit sierra eavttuid.

Šiehtadusáigodaga maŋŋá nohket doavttirgrádašiehtadusa vuoigatvuođat ja geatnegasvuođat nu ahte doavttirgráda kandidáhtta sáhtta massit vuoigatvuođa oážžut bagadallama, searvat gurssaide ja geavahit infrastruktuorra. Dattege kandidáhtta sáhtta ohcat lobi lágídit nákkosgirjji doavttirgráda árvvoštallamii.

§ 5-5. Šiehtadusáiggi loahpaheapmi

Eaktodáhtolaš loahpaheapmi

Doavttirgráda studeanta ja fágagoahti sáhttiba šiehttat ahte doavttirgrádaohppu loahpahuvo ovdal mearreáiggi. Eaktodáhtolaš doavttirgrádaohppu loahpaheapmi šiehttojuvo sierra soahpamušain, ja das boahá ovdan mo čovdovuvvojit vejolaš gažaldagat mat gusket ovdamearka dihte bargodilálašvuhtii, ruhtadeapmái, vuoigatvuođaide ja bohtosiidda.

Jus kandidáhtta áigu lonuhit prošeavtta dahje sirdašuvvat eará prográmmii, de son galgá ohcat ođđa sisaváldima ođđa prošeavtta vuođul.

Bággoloahpaheapmi

DOS sáhtta mearridit doavttirgrádaohppu loahpaheami ovdal sohppojuvvon áiggi.

Bággoloahpaheami sáhtta mearridit jus unnimusat okta čuovvovaš dilálašvuođain albmana:

- Mearkkašahtti maŋŋoneamit oahppooasi čađaheamis maidda kandidáhtta lea sivalaš.
- Kandidáhtta rihkku gearddašuvvi dahje mearkkašahtti vuogi mielde informašuvdna-, čuovvolahttin- dahje raporterengeatnegasvuođa, gč. § 10-1.
- Ovdáneraportta mearkkašahtti maŋŋoneamit mat boktet vuođuštallon eahpádušaid kandidáhta gealbbus ollašuttit prošeavtta šiehttojuvvon áiggi. Vai sáhtta vuođuštallat bággoloahpaheami, de ferte kandidáhtta ieš leat sivalaš mearkkašahtti maŋŋoneapmái.
- Fágasuorgái guoski dutkanehtalaš njuolggadusaid rihkkun. Dát guoská maiddái verrošeapmái, mii meroštallojuvo universitehta- ja allaskuvlálágas, gč. § 4-7.
- Doavttirgráda studeantta láhtten mii rihkku allaskuvlla ja doavttirgráda studeantta gaskasaš luohttamuša čađaheami áigge, earret eará studeantta doavttirgrádaohppu čađaheapmái guoski ránggástahtti dagut.

Bággoloahpahanmearrádusa dahká DOS.

Doavttirgráda kandidáhta sáhtta celkot eret virggis, jus su doaimmas dahje bargodilis leat áššálaš sivat, gč. stáhtabargiidlága (*Lov om statens ansatte mv.*) § 19 ja § 20, dahje lihccuma oktavuodas § 26.

Kapihtal 6. Doavttirgrádašiehtadus

§ 6-1. Doavttirgrádašiehtadus

Doavttirgrádaprogámmii sisaváldin nannejuvvo čálalaš šiehtadusa hámis. Šiehtadusa dahket doavttirgrádistudeanta, bagadalli(t) ja Sámi allaskuvla. Šiehtadus regulere oassebeliid vuoigatvuođaid ja geatnegasvuođaid šiehtadusáigodagas. Dat galgá sihkkarastit ahte doavttirgrádistudeanta searvá jeavddalaččat aktiivvalaš dutkanbirrasii, ja ná dahká vejolažžan čadahit dutkanoahpu šiehttojuvvon áiggis. Allaskuvllas lea sierra šiehtadusskovvi doavttirgrádaoahpu várás.

Doavttirgrádakandidáhtaide, geain lea olles dahje oasseruhtadeapmi dahje bargoadi Sámi allaskuvlla olggobealde, galgá njuolggadusaid mielde dahkkot kandidáhta, áhahusa ja olggobeale oassebeali gaskasaš sierra soahpamuš.

Jus doavttirgrádistudeanta lea čadnon olgoriikkalaš áhahussii, galget Sámi allaskuvlla ovtasbargonjuolggadusat čuvvojuvvot ja sierra soahpamuš dahkkojuvvot dan várás áhahuvvon skoviin. Soahpamuš galgá dábálaččat leat mielde sisaváldinšiehtadusas.

GOALMMÁT OASSI: ČAĐAHEAPMI

Kapihtal 7. Bagadallan

§ 7-1. Bagadallan

Nákkosgirjebargu dáhpáhuvvá oktagaslaš bagadallamiin. Progámmastivra ja bagadallit galget ovtas sihkkarastit ahte doavttirkandidáhta searvá aktiivvalaččat dutkanbirrasii.

§ 7-2. Bagadalli(id) nammadeapmi

Váldonjuolggadussan lea ahte doavttirgrádakandidáhtas leat guokte bagadalli, main nubbi nammaduvvo váldobagadallin. Goahti nammada dábálaččat váldobagadalli sisaváldima oktavuodas. Unnimustá okta bagadalliin galgá leat SA fágabargi.

Váldobagadallis lea fágalaš váldoovddasvástádus kandidáhtas. Váldonjuolggadussan lea ahte váldobagadalli lea SA virggehas.

Mielbagadalli lea fágaolmmoš, guhte bagadallá ja juogada váldobagadalliin fágalaš ovdasvástádusa kandidáhta bagadallamis.

Buot bagadalliin galgá leat doavttirgráda dahje vástideaddji gelbbolašvuohta fágasuorggi siskkobealde ja leat aktiivvalaš dutkit. Unnimustá ovttá nammaduvvon bagadallis galgá leat ovdalis vásáhus doavttirgrádistudeantta bagadallamis dahje leat oahppu doavttirgrádistudeanttaid bagadallamis.

Sihke doavttirgrádakandidáhta ja bagadalli sáhtta dáhtut goađi nammadit kandidáhtii ođđa bagadalli. Bagadalli ii sáhte geassádit ovdal go ođđa bagadalli lea nammaduvvon. Sierramielalašvuođaid, mat gusket bagadalli ja kandidáhta fágalaš vuoigatvuođaide ja geatnegasvuođaide, sáhtta sihke bagadalli ja kandidáhta buktit DOS guorahallamii ja mearrideapmái.

§ 7-3. Bagadallama sisdoallu

Sámi allaskuvlla filosofii ja doavttirgráda lánkaásahus

Sihke bagadalli ja doavttirgrádstudeanta leaba geatnegahtton raporteret daid njuolggadusaid vuodul, maid SA lea ášahan.

Bagadallit leat geatnegahtton čuovvut kandidáhta barggu ovdáneami ja árvvoštallat dan prošeaktaplána vuodul. Bagadallit leat maidái geatnegahtton čuovvut fágalaš diliid, mat sáhttet mañjedit dutkanoahpu čadaheami nu ahte dan ii sáhte čadahit mearriduvvon áigodagas.

Bagadallit galget rávvet temá ja dutkangažaldagaid hábmemis ja ráddjemis, ráddádallat ja árvvoštallat hypotesaid ja metodaid, suokkardit bohtosiid ja daid dulkomiid, guorahallat plánaid ja daid ovdanbuktima mii guoská earet eará disposišuvdnii, gielalaš hápmái ja dokumenteremii, ja veahkehit gávdnat fágagirjjálašvuoda ja diehtogálduid girjerádjosiin, arkiiuvvain ja eará dakkáraččain. Dáid lassin galget bagadallit bagadallat dutkanehtalaš gažaldagain mat čatnasit nákkosgirjái.

Kapihtal 8. Oahppooassi

§ 8-1. *Ulbmil, sisdoallu ja viidodat*

Dutkanoahppu galgá lágíduvvot nu ahte dan sáhtta čadahit mearreáiggi siskkobealde. Allaskuvllas lea ovddasvástádus das ahte oahppooassi ovttas nákkosgirjebargguin addá oahpu alla dieđalaš dásis ja mii vástida riikkaidgaskasaš norpmaide. Dat guoská dieđalaš barggu čadaheapmái, fágalaš gaskkusteami hárrjehallamii ja dutkanetihka, dieđateoriija ja dieđametodaid čadaheapmái. Oahpahus ovttas dutkanbargguin galgá váikkuhit dasa ahte nátionála kvalifikašuvdnarámmain vurdojuvvon oahppanjoksosat olahuvvojit.

Allaskuvla berre fállat doavttirgrádkandidáhttii bagadallama boahhtevuoda bargovejolašvuodain akademiijas ja dan olggobealde. Dasa guoská maidái diđolažžan dahkan dan gelbbolašvuodas, man kandidáhtta lea olahán dutkanbargguinis.

Jus SA dahje dat fágagoahti, mii hálddaša prográmma, ii ieš organisere olles oahppooasi, addojuvvo doavttirgrádstudentii vuoigatvuoha čadahit vástideaddji oahpu eará ášahusas dahje ovttagas, mii fállá dohkkehuvvon doavttirgrádoahpu. Dain fáttáin main eai leat sierra oahppofálaldagat, sáhtta oktagaslaš lohkanmeari dohkkehuvvot oahppooasi oassin. Oahppooassi galgá sisttisdoallat fáttáid, mat dahket unnimustá 30 oahppočuoggá ja main unnimustá 20 oahppočuoggá čadahuvvojit sisaváldima mañjá. Fáttát mat gullet oahppooassái, eai berre leat boarrásabbot go guokte jagi dalle go kandidáhtta váldojuvvo sisa prográmmii.

Eará ášahusain čadahuvvon doavttirgrádadási oahput dohkkehuvvojit universitehta- ja allaskuvllalága njuolggadusaid mielde, gč. § 3-5 vuosttas oasi.

§ 8-2. *Kandidáhta vuoigatvuodát virgelobi áigge*

Doavttirgrádkandidáhtta geas lea vánhenvirgelohpi doavttirgrádoahpus, sáhtta virgelobi áigge čuovvut oahpahusa ja váldit eksámena dain gurssain, mat gullet su oahppooassái, gč. álbmotoadjolága (*Lov om folketrygd*).

Kapihtal 9. Čanus dutkanbirrasii

§ 9-1. *Čanus dutkanbirrasii*

Váldobagadallis ovttas Sámi allaskuvllain lea ovddasvástádus lágídit dili nu ahte doavttirgrádstudeanta beassá searvat jeavddalaččat aktiivvalaš dutkanbirrasii ovttas dutkiiguin ja eará doavttirgrádstudeanttaiguin. Doavttirgrádstudeanttaide, geain lea váldočanus eará ášahusaide, ráhkaduvvo grádaaddi ja ovttasbargi ášahusa gaskasaš šiehtadus

mii stivre bargoeavttuid ja sihkkarastá doavttirgrádastudeantta searvama aktiivvalaš dutkanberrasii, gč. § 6-1.

Kapihtal 10. Raporteren

§ 10-1. Raporteren

Sámi allaskuvlla kvalitehtasihkkarastinvuogádat sisttisdoallá doaibmabijuid dasa mo čalmmustahttit váilevaš ovdáneami nákkosgirjebarggus ja oahppooasis, váilivuodaid bagadallamis ja maiddái rutiinnaid dasa mo sáhtta čuovvulit čuožžilan čuolmmaid.

Doavttirgrádakandidáhtas ja bagadalliin lea ovttalágan raporteregeatnegasvuohta. Jus kandidáhtas váilu ovdánanraporteren dahje raporta lea váilevaš, de das sáhtta leat čuovvumuššan ahte son bággejuvvo loahpahit dutkanoahpu ovdal go šiehtadusáigodat loahppá, gč. § 5-5. Bagadalli, guhte ii čuovo raporteregeatnegasvuođa, sáhtta lihcojuvvot bagadallanovddasvástádusas.

Dárbbu mielde sáhtta Sámi allaskuvlla prográmmastivra gáibidit liigeraportereama.

Kapihtal 11. Nákkosgirji

§ 11-1. Nákkosgirjegáibádusat

Nákkosgirji galgá leat iešheanalís, dieđalaš bargu mii deavdá fágasuorgái guoski ehtalaš njuolggadusaid, fágalaš dási, metodaidda ja riikkaidgaskasaš gáibádusaid. Nákkosgirji ulbmilin lea lasihit ja ovddidit fágalaš dieđuid ja das vurdojuvvo alla dássi, nu ahte dat sáhtta almmuhuvvot fágasuorggi dieđalaš girjjálašvuođa oassin.

Nákkosgirji sáhtta leat monografii ja dahje artihkálnákkosgirji (mánngga unnit barggu ovttahttin). Artihkálnákkosgirjiis ferte kandidáhtta čielggadit bargguid oktiigullelašvuođa.

Nákkosgirji mii lea čállojuvvon ovtta earáiguin, sáhtta dohkkehuvvot juo doavttirgrádakandidáhtta sáhtta das duođaštit ja identifiseret iežas iešheanalís barggu bohtosiid.

Jus čálalaš bargu lea dahkkon ovtta eará čálloguin, galgá doavttirgrádakandidáhtta čuovvut daid mielčállinorpmiid, mat leat fágabirrasiiin almmolaččat dohkkehuvvon ja mat čuvvot riikkaidgaskasaš standárddaid. Artihkálnákkosgirjiis galgá kandidáhtta dábálaččat leat vuosttasčállin unnimustá bealis artihkkaliin.

Artihkálnákkosgirjái galgá bidjat sierra, vuolláičállojuvvon čilgehusa, mii govvida kandidáhtta barggu juohke ovttaskas artihkkalis.

Sámi allaskuvla mearrida nákkosgirji čállogiela.

§ 11-2. Barggut mat eai dohkkehuvvo

Bargguid dahje osiid dain mat leat dohkkehuvvon vuodđun ovddit čađahuvvon eksámeniin dahje grádain, ii sáhte addit árvoštallamii earet dalle go dat leat unna oasáš mánnggaoasat, oktiigullelaš barggus. Ovddit grádaidda dutkanmateriála, analysaid dahje metodaidda sáhtta dattege atnit doavttirgrádaprošeavtta vuodđun.

Almmuhuvvon bargguid ii sáhte dohkkehut nákkosgirji oassin, jus dat leat almmuhuvvon eambo go vihta jagi ovdal go kandidáhtta lea beassan doavttirgrádaprogrammii.

Sámi allaskuvlla filosofii ja doavttirgráda lánkaásahus

Nákkosgirjji sáhtta addit árvvoštallamii dušše ovtta oahppaásahusas, gč. § 14-1.

Kapihtal 12. Geatnegasvuohta almmuhit bargobohtosiid mat sáhttet adnot ealáhusdoaimmain

§ 12-1. Geatnegasvuohta dieđihit bargobohtosiid mat sáhttet adnot ealáhusdoaimmain

Ovttasbargi ásaahasaid gaskasaš vuoigatvuođat stivrejuvvojit sierra soahpamušain.

Bargoaddiásahusa áiggis áigái gustojeaddji njuolggadusat leat vuolggasadjin dasa makkár geatnegasvuohta Sámi allaskuvlla doavttirgrádkandidáhtas lea dieđihit bargobohtosiid, main sáhtta leat ealáhusdoaimmaide mearkašupmi. Doavttirgrádkandidáhtaide, geain lea olggobeale bargoaddi, gustojit vástideaddji dieđihangeatnegasvuođat ja dat sohppojuvvojit Sámi allaskuvlla, doavttirgrádkandidáhta ja olggobeale bargoaddi gaskasaččat.

Doavttirgrádkandidáhtaide, geain ii leat bargoaddi, gusto vástideaddji dieđihangeatnegasvuohta ja dat čállojuvvo Sámi allaskuvlla ja doavttirgrádkandidáhta gaskasaš sisaváldinmearrádussii.

NJEALJÁT OASSI: GÁRVVISTEAPMI

Kapihtal 13. Árvvoštallan

§ 13-1. Árvvoštallama vuođđu

Doavttirgráda miedihuvvo go čuovvovaš oasit leat dohkkehuvvon:

- dieđalaš nákkosgirji
- oahppoprográmma čadaheapmi, dahje eará dohkkehuvvon fágalaš skuvlejupmi dahje gealbu
- geahččaladdanlogaldallan addojuvvon fáttás
- nákkosgirjji bealušteapmi almmolaš nákkáhallamis

§ 13-2. Árvvoštallanáigodaga guhkkodat

Sámi allaskuvla ferte bearráigeahččat ahte áigi nákkosgirjji sisaaddima rájes gitta nákkáhallamii lea nu oanehaš go vejolaš, dábálaččat eanemustá vihtta mánu.

Váldobagadalli ovddasvástádussan lea dieđihit áiggil Sámi allaskuvllii goas kandidáhta addá sisa nákkosgirjjis, vai ásaahas álggaha nákkosgirjji árvvoštallanproseassa.

Kapihtal 14. Nákkosgirjji sisaaddin árvvoštallamii

§ 14-1. Nákkosgirjji árvvoštallanohean

Nákkosgirjji árvvoštallanoheama sáhtta sáddet easka maŋŋá go oahppooassi lea dohkkehuvvon.

Ohcamuš galgá sisttisoallat čuovvovaš dokumeanttaid:

- Nákkosgirji ásaahas mearrádusaid ja gáibádusaid mielde
- Duodaštus oahppooasi dohkkeheamis
- Eará dárbbaslaš lobiid duodaštusaid, nu go immateriála vuoigatvuođaide guoskevaš šiehtadusat
- Mielčállicilgehus dárbbu mielde, gč. § 11-1
- Diehtu das addojuvvo go nákkosgirji vuosttas vai nuppi háve árvvoštallamii
- Diehtu das ahte nákkosgirji ii leat addojuvvon árvvoštallamii eará ásaahussii

Sámi allaskuvlla filosofii ja doavttirgráda lánkaásahus

Sámi allaskuvla sáhtá iešheanalit hilgut nákkosgirjji árvvoštallanohtamuša jus lea čielggas ahte nákkosgirji ii deavdde dohkálaš, alla dieđalaš dási gáibádusaid ja ahte komitea bohtá dan hilgut.

Nákkosgirji galgá leat almmolaččat fidnemis unnimustá guokte vahku ovdal nákkáhállama, gč. § 19-2.

§ 14-2. Ohcamuša gieđahallan

Sámi allaskuvla gieđahallá nákkosgirjji árvvoštallanohtamuša. Ohcamuš, mii ii deavdde § 14.1 gáibádusaid, hilgojuvvo.

Kapihtal 15. Árvvoštallankomitea nammadeapmi

§ 15-1. Árvvoštallankomitea nammadeapmi

Go Sámi allaskuvla lea dohkkehan nákkosgirjji árvvoštallanohtamuša, de nammada DOS fágagoađi evttohusa vuođu áššedovdi árvvoštallankomitea nákkosgirjji ja nákkáhállama árvvoštallamii. Evttohusas galgá ákkastallat ja čájehit, mo komitea oppalaččat gokčá nákkosgirjji fágasuorggi. DOS nammada komitea jođiheaddjin ovttá komitealahtu dahje eará Sámi allaskuvlla virggehasa.

Árvvoštallankomiteas leat unnimustá golbma lahtu. Komitea galgá ásahuvvot nu ahte

- guktot sohkabealit leat ovddastuvvon
- unnimustá ovttá lahtus ii leat váldovirgi Norgga ásahusas
- eanáš lahtut eai leat Sámi allaskuvlla virggehasat
- buot lahtuin lea doavttirgráda dahje vástideaddji gealbu

Jus spiehkastit dán eavttuin, de dan ferte erenoamážit ákkastallat.

Nammaduvvon bagadallit dahje earát geat leat leamašan mielde nákkosgirjebarggus, eai sáhte leat árvvoštallankomitea lahttun, eaige dasa gustojeaddji hálddašandoaimmain.

Kandidáhtta galgá oažžut dieđu dan evttohusas, mainna lágiin komitea čohkkejuvvo, ja sus lea vuoigatvuohta čálalaččat buktit oaiviliiddis vahkku sisa dan rájes go oačui dieđu evttohusa birra.

Kapihtal 16. Komitea bargu

§ 16-1. Dievasmahtti dieđuid háhkan

Komitea sáhtá gáibidit beassat oaidnit nákkosgirjji vuođdomateriála ja bivdit dievasmahtti lassečilgehusaid.

Árvvoštallankomitea sáhtá bovdet bagadalli čoahkkimiidda čilget bagadallama ja nákkosgirjebarggu.

§ 16-2. Árvvoštallamii sisaaddon nákkosgirjji buorideapmi

Sisaaddojuvvon nákkosgirjji ja vejolaš lassemateriálaid vuođu, gč. § 14-1, sáhtá árvvoštallankomitea ávžuhit ahte DOS miediha kandidáhttii lobi dievasmahttit nákkosgirjji unna rievdadusaiguin. Komitea berre addit konkrehta dieđu čálalaččat maid kandidáhtta galgá divvut.

Sámi allaskuvlla filosofii ja doavttirgráda lánkaásahus

Jus DOS mieđiha nákkosgirjji unnánaččat rievdaduvvot, de dakkár dievasmahttinbargui sáhtá addit dábálaččat eanemustá golbma mánu liigeáiggi. Seammás ásahuvvo ođđa mearreáigi loahpalaš komiteacealkámušii. Kandidáhtta ii sáhte váidit dán Sámi allaskuvlla mearrádusa.

Jus komitea gávnna ahte nákkosgirji gáibida vuđolaš nuppástusaid mat gusket teoriijai, hypotesaide, dutkanmateriálii dahje -metodii ja mat leat dárbbaslaččat vai barggu sáhtá bealuštit nákkáhállamis, de komitea ii galgga dohkkehit nákkosgirjji.

§ 16-3. Komitea mearrádus

Komitea addá oktasaš cealkámuša das, leago bargu bealuštan veara doavttirgrádan. Cealkámuša ja vejolaš sierraoiviliid galgá vuđuštit.

Komitea galgá gárvet cealkámuša mañemustá golbma mánu mañjel go nákkosgirji lea addojuvvon sisa, jus ásahus ii mearrit eará. Jus komitea bivdá dievasmahttit nákkosgirjji, de ođđa cealkináigemearri rehkenasto dan beivvi rájes, go nákkosgirji addojuvvo ođđasis árvvoštallamii.

Komitea cealkámuš addojuvvo Sámi allaskuvlii mii addá dan doavttirgrádkandidáhttii. Kandidáhttii addo logi bargobeivvi áigemearri buktit čálalaš mearkkašumiid cealkámušii. Jus doavttirgrádkandidáhtas eai leat čálalaš mearkkašumit, de son dieđiha dás Sámi allaskuvlii farggamusat. Sámi allaskuvla guorahallá ášši § 17-1. mielde.

Kapihtal 17. Komitea cealkámuš ja cealkámuša guorahallan

§ 17-1. Komitea cealkámuš ja cealkámuša guorahallan

Sámi allaskuvla mearrida árvvoštallankomitea cealkámuša vuđuđul sáhtá go nákkosgirji bealuštuvvot nákkáhállamis.

Ovttamielalaš cealkámuš

Jus komitea addá ovttamielalaš cealkámuša ja Sámi allaskuvla dohkkeha dan iežas mearrádusa vuđuđun, de dahká allaskuvla iežas mearrádusa komitea ovttamielalaš cealkámuša vuđuđul.

Jus Sámi allaskuvla ákkastallojuvvon ákkaid vuđuđul eahpida leago komitea ovttajienalaš mearrádus buorre, de ferte DOS dáhtut lagat čilgehusa árvvoštallankomiteas ja/dahje nammadit guokte áššedovdi, geat goappašagat árvvoštallaba nákkosgirjji ja addiba das goabbat cealkámuša. Dákkár lassecealkámušat dahje oktagaslaš cealkámušat addojuvvojit diehtun doavttirgrádkandidáhttii, ja sutnje addo vejolašvuhta buktit iežas mearkkašumiid.

Dán mañjá DOS ieš mearrida loahpalaččat ášši komitea cealkámuša ja olggobeale cealkámušaid vuđuđul.

Juohkásan cealkámuša guorahallan

DOS árvvoštallá ja mearrida komitea juohkásan cealkámuša. Jus komitea ovddida juohkásan cealkámuša ja DOS mearrida atnit eanetlogu cealkámuša iežas mearrádusa vuđuđun, de dahká Sámi allaskuvla iežas mearrádusa eanetlogu cealkámuša mielde. Jus komitea ovddida juohkásan cealkámuša ja DOS árvvoštallá atnit vuđuđun unnitlogu cealkámuša, de sáhtá DOS ráđđádallat komiteain, dahje sáhtá nammadit guokte ođđa áššedovdi guorahallat nákkosgirjji. Dát áššedovdit eaba doaimma komitean, muhto goappašagat árvvoštallaba nákkosgirjji ja ovddideaba goabbatge cealkámuša.

Sámi allaskuvlla filosofii ja doavttirgráda lánkaásahus

Doavttirgráda kandidáhtii addo vejolašvuohta buktit iežas mearkkašumiid. Jus guktot ođđa áššedovdit leaba ovtamielalaččat álgoálgošaš komitea eanetloguin, de čuvvojuvvo eanetlogu mearráduš.

Doavttirgráda kandidáhtii dieđihuvvo maid DOS mearrida.

Kapihtal 18. Ođđa árvvoštallan

§ 18-1. Ođđa árvvoštallan

Jus nákkosgirji ii dohkkehuvvo, de divvojuvvon nákkosgirji čuovvovaš sisaaddináigi sáhtta leat áramustá guhtta mánu maŋŋil go Sámi allaskuvla lea dahkan ovddit mearrádusa. Ođđa árvvoštallan lea vejolaš dušše oktii.

Doavttirgráda kandidáhtta galgá nákkosgirji ođđa árvvoštallamii attidettiin almmuhit ahte dat lea ovdal árvvoštallojuvvon, muhto ii dohkkehuvvon.

Kapihtal 19. Nákkosgirji almmuheapmi

§ 19-1. Nákkosgirji deaddileapmi ja eavttut

Go nákkosgirji lea dohkkehuvvon nákkáhallamii, de galgá kandidáhtta addit Sámi allaskuvlii gáhppálagaid mat gáibiduvvojit doavttirgráda prográmma njuolggadusain. Dárkilut mearrádušat leat čállon ovttaskas doavttirgráda prográmmaide. Nákkosgirji čuovvu DOS mearridan hámi ja formáhta, gč. § 14-1.

Doavttirgráda kandidáhtta galgá almmuheami várás addit nákkosgirji oanehis čoahtkáigeasu sihke sámegillii ja eŋgelasgillii, ja dasa lassin dáro-, suoma-, ruota- dahje ruoššagillii. Dain dáhpáhusain go nákkosgirji lea čállon eará go ovddabealde namuhuvvon gielaide, de čoahtkáigeassu čállo maiddá nákkosgirji gillii.

§ 19-2. Almmuheapmi

Nákkosgirji galgá leat almmolaš unnimustá guokte vahku ovdal dan almmolaš bealušteami. Nákkosgirji almmuhuvvo dan hámis go dat lea addojuvvon árvvoštallamii. Jus komitea lea bivdán kandidáhta divvut nákkosgirji, de almmostahttojuvvo divvojuvvon nákkosgirji, gč. § 16-2.

Doavttirgráda nákkosgirji almmuheapmái eai sáhte biddjojuvot eará eavttut go ovddalgihtii šihttojuvvon almmuhanbeivvi maŋideami hárrái. Maŋideapmi dohkkehuvvo jus ásahus dahje olggobeale oassebealli, mii lea ruhtadan ollislaččat dahje muhtun osiid doavttirgráda oahpu, háliida čielggadit vejolaš pateantaášši. Olggobeale oassebealli ii sáhte gáibidit ahte olles nákkosgirji dahje oasi das ii sáhte almmuhit, gč. § 5-3.

Kapihtal 20. Doavttirgráda geahččaladdan

§ 20-1. Geahččaladdanlogaldallan

Maŋŋel go nákkosgirji lea dohkkehuvvon almmolaš bealušteapmái, doallá doavttirgráda kandidáhtta almmolaš geahččaladdanlogaldallama. Dat lea doavttirgráda geahččaleami iehčanas oassi ja dat dollo mearriduvvon fáttás. Geahččaladdanlogaldallama ulbmilin lea iskat sihke kandidáhta návcca guorahallat fáttá mas ii leat njuolggá oktavuoha nákkosgirjai, ja návcca gaskkustit dieđuid logaldallandilálašvuođas. Geahččaladdanlogaldallama fáddá almmuhuvvo doavttirgráda kandidáhttii unnimustá logi bargobeivvi ovdal logaldallama.

Sámi allaskuvlla filosofii ja doavttirgráda lánkaásahus

Geahččaladdanlogaldallan dollojuvvo ovdal nákkáhallama. Árvvoštallankomitea mearrida fáttá ja árvvoštallá geahččaladdanlogaldallama. Geahččaladdanlogaldallan dollojuvvo dábaláččat sámegillii dahje nákkosgirjji gillii, jus DOS ii mearrit eará.

Árvvoštallankomitea mearrida, leago geahččaladdanlogaldallan dohkkehuvvon vai ii. Jus geahččaladdanlogaldallan ii dohkkehuvvo, de galgá vuoduštit mearrádusa.

Geahččaladdanlogaldallan ferte leat dohkkehuvvon ovdal go nákkosgirjji sáhtta bealuštit.

§ 20-2. Nákkosgirjji bealušteapmi

Nákkosgirjji almmolaš bealušteapmi galgá dáhpáhuvvat maŋŋá go geahččaladdanlogaldallan lea dollojuvvon ja dohkkehuvvon, ja maŋimustá guokte mánu maŋŋil go nákkosgirjji lea dohkkehuvvon bealušteapmái. Doavttirgrádakandidáhtta bealušta nákkosgirjji almmolaš nákkáhallandilálašvuodas. Nákkáhallama áigi ja báiki almmuhuvvo unnimustá logi bargobeavvi ovdal nákkáhallama.

Nákkáhallama árvvoštallá seamma komitea mii lea árvvoštallan nákkosgirjji. Nákkáhallan lea dábaláččat sámegillii dahje nákkosgirjji váldogillii. Jus komitea evttoha ja jus DOS dohkkeha evttohusa, de nákkáhallan sáhtta leat eará gillii dahje gielaide.

Dábaláččat leat guokte opponeantta. Soai leaba árvvoštallankomitea lahtut ja DOS nammada sudno.

Nákkáhallama jođiha DOS jođiheaddji dahje son gean DOS fápmuda dasa. Son guhte jođiha nákkáhallama, muitala oanehaččat nákkosgirjji sisaaddima, árvvoštallama ja geahččaladdanlogaldallama birra. Das maŋŋá čilge nákkáhalli iežas barggu ulbmila ja dieđalaš dutkamuša bohtosiid.

Nákkáhallandilálašvuoda jođiheaddji ovtta opponeanttaiguin soahpá bargoortnega ja nákkáhalli ja opponeanttaid gaskasaš vuoruhemiid. Dábaláččat vuosttas opponeanta álggaha ja nubbi fas loahpaha nákkáhallama. Go guktot opponeanttat leaba geargan opponeremis, de guldaleaddjit geat háliidit opponeret ex auditorio (sáles), galget addit dieđu nákkáhallandilálašvuoda jođiheaddjai su mearridan áigemearrái. Nubbi opponeanttain loahpaha nákkáhallama ja nákkáhallandilálašvuoda jođiheaddji loahpaha olles dilálašvuoda.

Nákkáhallandilálašvuoda maŋŋá addá árvvoštallankomitea áhahussii čilgehusa, mo dat lea árvvoštallan nákkosgirjji bealušteami. Čilgehusas lea konklušuvdna das leago nákkáhallan dohkkehuvvon vai ii. Opponeanttaid oainnut deattuhuvvojit árvvoštallamis. Čilgehusa ferte vuoduštit jus nákkáhallan ii dohkkehuvvo.

Kapihtal 21. Doavttirgrádageahččaleami dohkkeheapmi

§ 21-1. Doavttirgrádageahččaleami dohkkeheapmi

DOS dohkkeha doavttirgrádageahččaladdama árvvoštallankomitea cealkamuša vuodul.

Jus Sámi allaskuvla ii dohkket geahččaladdanlogaldallama, de dollojuvvo ođđa geahččaladdanlogaldallan. Ođđa geahččaladdanlogaldallama berre doallat ođđa fáttás ja maŋimustá guhtta mánu maŋŋil go ovddit logaldallan dollojuvvui. Ođđa geahččaladdanlogaldallama sáhtta doallat dušše oktii. Nu guhkás go vejolaš, berre álgoálgosaš árvvoštallankomitea árvvoštallat ođđa geahččaladdanlogaldallama.

Sámi allaskuvlla filosofii ja doavttirgráda lánkaásahus

Jus Sámi allaskuvla ii dohkket nákkáhallama, de sáhtta doavttirgráda kandidáhta bealuštit nákkosgirjji ođđasis. Ođđa nákkáhallama sáhtta doallat áramustá guhhta mánu maŋŋá, ja nu guhkás go vejolaš, berre álgoálgosaš árvoštallankomitea árvoštallat dan, jus Sámi allaskuvla ii mearrit eará.

Kapihtal 22. Nammadeapmi ja duodaštus

§ 22-1. Nammadeapmi ja duodaštus

Go DOS lea dohkkehan oahpu, nákkosgirjji, geahččaladdanlogaldallama ja nákkáhallama, de válmmaštallá goahtenjunuš ášši Sámi allaskuvlla stivrii, mii nammada nákkáhalli filosofii ja doavttirin (*philosophiae doctor*). Duodaštusas boahá ovdan man fágagoahái nákkáhalli gullá ja man oahppoprográmma son lea čuvvon.

Kapihtal 23. Duodaštusa lasáhus (Diploma Supplement)

§ 23-1. Duodaštusa lasáhus (Diploma Supplement)

Rektor mearrida makkár čilgehusat galget leat mielde diplomas, duodaštusas ja diploma lasáhusas. Diploma, duodaštusa ja diploma lasáhusa vuolláičállá rektor.

VIDÁT OASSI: VÁIDDA, OKTASAŠGRÁDAT JA FÁPMUIBOAHTIN

Kapihtal 24. Váidda

§ 24-1. Sisaváldin- ja ohcamušguorahallanváidda

Kandidáhta sáhtta hálldašanlága (*Lov om behandlingsmåten i forvaltningsaker*) §§ 28–36 vuodul váidit mearrádusaid sisaváldima biehttaleamis, studerenvuoigatvuoda loahpaheamis ja oahppoprográmma osiid sisaheiveheami biehttaleamis. Vuoduštuvvon váidda sáddejuvvo Sámi allaskuvlii. Jus mearráduš doalahuvvo, de váidda sáddejuvvo váiddalávdegodái.

§ 24-2. Oahppoosi dohkkeheapmái guoski váidda

Oahppoosi eksámeniidda guoski váidagiidda gusto universitehta- ja allaskuvlaláhka §§ 5-2 – 5-3.

Jus kandidáhta várohuvvo verrošan dahje geahččalan verrošit, de giedáhallojuvvo ášši Sámi allaskuvlla dohkkehanrutiinnaid mielde.

§ 24-3. Nákkosgirjji árvoštallanohcamuššii, hilgojuvvon nákkosgirjái, geahččaladdanlogaldallamii dahje bealušteami dohkkeheapmái guoski váidda

Nákkosgirjji, geahččaladdanlogaldallama dahje bealušteami hilgumiid sáhtta váidit hálldašanlága §§ 28–36 vuodul.

Vuoduštuvvon váidda sáddejuvvo Sámi allaskuvlii. Sámi allaskuvla sáhtta nammadit ovttaskas olbmuid dahje sierra lávdegotti guorahallat váidojuvvon mearrádusa buot beliid, dahje Sámi allaskuvla sáhtta nammadit lávdegotti mii galgá ráhkadit ollislaš áššedovdi árvoštallama.

Kapihtal 25. Oktasaš grádat ja cotutelle-šiehtadusat

§ 25-1. Oktasaš grádat ja cotutelle-šiehtadusat

Sámi allaskuvla sáhtta ovttasbargat ovttain dahje mánggain Norgga dahje olgoriikkalaš ášahusain oktasaš grádaide dahje cotutelle-šiehtadusaide (oktasaš bagadallandoibmii) guoski áššiin. Eará ášahusaiguin šiehttojuvvon oktasaš grádaid ja cotutelle-šiehtadusain sáhtta rektor addit vuoigatvuoda spiehkkašit dán lánkaásahusain.

§ 25-2. Oktasaš grádat

Oktasaš grádain oaivvilduvvo guovtti dahje eanet ásašaid ovttasbargu, main buohkain ovttas lea ovddasvástádus sisaváldimis, bagadallamis, grádajuogus ja eará áššiin, mat leat čilgejuvvon dáidda guoski lánkaásahusain. Ovttasbargu organiserejuvvo dábálaččat konsortiuma hámis ja dan stivre konsortiumoassebeliid šiehtadus.

Oktasaš grádat doibmet dábálaččat dalle go institušuvnnat leat ovddalgihtii ásašan fágalaš ja bistevaš ovttasbargoortnegiid ja unnimustá okta/nubbi dain lea konsortiumoassebealli. Sámi allaskuvlla stivra dohkkeha dákkár šiehtadusaid ja dain galgá mearridit ainjuo sisaváldimis, ruhtadeamis, oahppooasis, bagadallamis, bargosajis, raporterengeatnegasvuodas, nákkosgirjji gielas, nákkosgirjji hámis, árvoštallamis, grádajuogus, duđaštusas ja boadusvuoigatvuodain. Šiehtadusa vuolláičállá rektor.

§ 25-3. Oktasaš grádaid ja cotutelle-šiehtadusaid gáibádusat

Sisaváldima dohkálašvuodagáibádusat ja nákkosgirjji gáibádusat galget leat almmolaččat, iige sáhte spiekkasit almmolaš nákkáhallangáibádusas, masa gullá bealátkehtes árvoštallankomitea.

Kapihtal 26. Fápmuiboahhtin

§ 26-1. Fápmuiboahhtin

Dát lánkaásahus boahhtá fápmui stivrra mearrádusa vuodul.